



بستان العشق

((شعر غنائى))

شعر

عصام صابر زكرى
عضو جمعية المسرحيين بالثقافة الجماهيرية

تقديم

د / احمد طاهر حافظ

كلية التربية بالعريش

أ / حاتم عبد الهادى السيد

عضو اتحاد كتاب مصر



إهداء

بكل حب وتقدير
إلى الدكتور الفاضل / أحمد محمد عوين
والى الشاعر المتألق / عبد الهادى السيد

مع أرق أمنياتي
عصام صابر ذكري

بداية

من شوقي أروي كلماتي ٠٠٠
بكل قطرة من دمي ٠٠٠
أهدي بستان مهجتي ٠٠٠
لكل من أعجبه غنوتي ٠٠٠
ليشدو بها في واهتي ٠٠٠
كل من عاش قصتي ٠٠٠

مع أرق آميناتي - راجياً أن تنال إعجابكم

عصام صابر ذكري

تصدير

عرف وردث ورث Worth Wordth

الأدب بقوله : " نريد بالأدب أفكار الأذكاء "
مريداً بذلك تلكم الأفكار والمشاعر التي تعكس
فكر الجماهير وطموحاتهم وأحاسيسهم وآلامهم
وأمالهم معبراً عنه تارة وموجهاً ومرشداً لها
تارة أخرى وهو ما يعكس ويؤكد علي الوظيفة
التوجيهية التي تتوط بها أشكال الأدب عامة
والشعر خاصة بين الجماعات البشرية علي
امتداد العصور .

ويأتي الحب الفكرة الرئيسية والأولي لهذا
الديوان وهو الحب الأشمل الذي يغطي حب الله
عز وجل وحب الوطن وحب الحق وحب
المبادئ والقيم الإنسانية الراقية وحب الطبيعة

وحب الجمال ... الخ .

فالشاعر المحب ينقلك عبر ديوانه من حب إلي حب باحساس رفيع ، و شاعرية رقيقة وتناول جم ووظيفة عارمة متدفقة ومصادقية غالية .
وجميل من الشاعر أن يتخذ من اللهجة القاهرية أساساً لغوياً لأعماله باعتبارها المستوي اللغوي المشترك ، كما كان جميلاً غلبة الرمزية والتصوير الكلي أو التصوير المركب والعذرية والتعبير القصصي علي أسلوبه الشعري . فهو شاعر محب حساس يحمل آمال وهموم وطموحات وطنه داخل قلبه وعاتق أكتافه .

وفقه الله وسدد خطاه

د. أحمد طاهر حافظ

تقديم

في بستان العشق يتحول العشاق

بقلم :

حاتم عبد الهادي السيد

* الشعر زاد القلوب ، والغناء زاد العقل ،
والموسيقا رحيق الروح وعبقها وفي ديوان
"بستان العشق" يطالعنا شاعرنا بذلك الديوان
الذي يحاول فيه أن يعيد لنا زمن الغناء الجميل .
ولقد عرفت شاعرنا عن قرب ، نشأنا معاً في
مدينة العريش المناضلة أرض الحب والحرب ،
وأرض النخيل والشعر والسحر والجمال ، وفي
هذه البيئة الساحرة أمسك شاعرنا بريشته

ليسطر أحلي الكلمات كي يعزف الأرغول
الجميل كلماته العذبة ، فخرج شعره سلساً ،
عذباً ، رقيقاً ، يأخذ بالألحان إلي آفاق أكثر
رحابة .

وشاعرنا يحاول أن ينسج للحب مملكة ، وللشعر
إمارة ، كيما يكون أميراً للحب في مملكة الشعر
الخالدة .

ويستخدم شاعرنا الألفاظ السهلة ، القريبة إلي
الذائقة الشعبية ، ولهجة العامة ، كما يحاول أن
يرتقي بالكلمة المنغمة المتناغمة الحاملة ذات
الجرس الموسيقي الهادئ ، فهو يهفو إلي عالم
مثالي تسود فيه قيم الفضيلة ، حيث الحب
والعشق والجمال .

إن شاعرنا جعل من الحبيبة بطلانة أسطورية ،

• وجعل من الحبيب فارساً وهو يذكرنا هنا
• بـقصص الحب الخالدة مثل : قصة " إيزيس
وأوزوريس " و " ليلي و قيس " و " عبلة

وعنتره العبي" و " روميو وجولييت " وغيرهم
حيث أصابت سهام الحب قلب " كيوبيد " إلهة
الجمال والعشق فغدت تبحث عن المحبوب
العاشق ، تشق الجبال ، وتخترق البحار لتبحث
عن المحبين لتعدهم بماء الحب الخالد .

• كما لا يفوتنا أن نذكر أن الحبيبة عند شاعرنا
• تمثل الوطن الذي يضم بين أحضانها العشاق
الذين تجمعهم روابط الأخوة والدم والعقيدة
والعروبة فهو يدعو إلي التآخي بين الأشقاء في
ربوع الوطن العربي ، كما يدعو إلي أن نعلم قيم

المحبة والسلام الاجتماعي بين جميع الأقطار
وذلك إنطلاقاً من كونهم " عرب " يتكلمون لغة
واحدة ويجمعهم دين إسلامي حنيف .

وتلك دعوة - في نظري - سامية ، بصرف
النظر عن القالب الذي صيغت به ، ولا شك أن
القالب الغنائي هو أفضل أسلوب يمكن أن يتخذه
الشعراء لتصل كلماتهم إلى قلوب مستمعيهم من
أقرب طريق .

والديوان يحتاج منا إلى أكثر من قراءة متأنية
حتى نصل إلى أهدافه النبيلة ولا أحب أن أطيل
علي قارئنا بل سأتركه ليسبح عبر عالم شاعرنا
الجميل ليعيش معه نبضه وآهاته ، وله الحكم
في النهاية. وتبقى كلمة أخيرة نقولها : إن سيناء
تفتقر إلى شعراء يتقنون كتابة " فن الأغنية "

فيكون لشاعرنا فضل المحاولة في شق هذا
البحر بعصا السحر ، وبريشة الإلهام ، ولعله
ينجح في جذب القارئ إلي أفاق أكثر رحابة في
عالم الغناء وأظنه قد نجح كثيراً في هذا المجال
بقدر ما يطيق في هذا الديوان .

إن سيناء تحتاج منا إلي الكثير من الجهد والعناء
حتى يمكن لنا أن نضع أسماء شعرائها بين
مصاف شعراء الأغنية العظماء ، فيجب أن
نحاول دون كلل أو ملل من أجل مستقبل هذه
البلدة المناضلة .

والله الموفق ،

حاتم عبد الهادي السيد

عضو اتحاد كتاب مصر



دي الحية

نسِينَا يَا دُنْيَا الهموم
ليه في الندم واللوم نعموم
دي الحياة رغم الهموم
بتزيد حلاوة في كل يوم
ياما عذاب زاد الجراح
وكتير بنلقي الحظ خاب
ويا ما عتاب جدد الافراح
وصدفلة نلقي الحظ صاب
بتهنينا وتنقسي علينا
وتبكيينا وترضي علينا
بتوعدنا تفرحننا
وترجع تاني تجرحنا

صادقــه وكذابــة
قاسية و غلابــة
لا بترحم ما عليها عتاب
ولا تحلي غير بعد عذاب
.....

ليه بتهوي سحر العيون
وتخبّي الشوك بين الغصون
واللي يراعيها بتهنيه
ومين قطفها الشوك تهاديه
تشغل قلوبنا تحير بالنّا
يوم ما تكون قاسية علينا
بتفكرنا باللي جرالنّا
ده امتحان وجوابه علينا

اضحكوا لحياتنا وليها غنوا
حتضحك لنا ونتهنأ
وانسوا همومكم واتمنوا
يسافر الحزن بعيد عنا
قولوا للأفراح قربي منا
خلي الوداد يجمع بينا
بالحب الساكن في قلوبنا
يا اشواقنا خدينا للجنة


يا حبيبـة قلبي



يا حبيبة قلبي أنا وعيني
من يوم ما سافرتي وحشتيني
وخاصمني النوم وطال ليلي
سقتيني بكاس منه يا ويلي
تاه قلبي في بحار الحيرة
والشوق خللي انغامي حزينه
قاد قلبي وبنار الغيرة
طوح بسفينتي نجيني
يا حبيبة قلبي أنا وعيني

يا حياتي إن كنتي تحبيني
علي شط هواكي رسيني
ابعتي مراسيلك يا تحبيني
يا أحيلك وانتني استتيني
وعلي أد أشواقني وحنيني
بعطفك ميلي وضميني
وخديني بحضنك نسيني
نسيني الشوق اللي كاويني
يا حبيبة قلبي أنا وعيني

أنا عاشق مغرم بهواكي
وروحى سبحت وياكي
ويوم ما غرقنى هواكى
ميلادى ابتدى ما تهنينى
رسينى بنورك يا أميرة
خاينى أهتدى للمينا
ونعيش أيامنا وليالينا
بالحب اسقى وتسقينى
يا حبيبة قلبى أنا وعينى



أحلى الحلوين

نـوَّارِه يا نورِا يا منارَة
من شوقي عيوني سهرانة
مناها تشوفك يا أمارَة
في الحسن آياته الفتانه
نـوَّارِه يا نورِا يا منارَة
خدي نور عنيا ولا أشوف
دمعة في عيونك سرحانة
حتى شبابي خديه ولا أشوف
حسرة بقلبك هيمانه

حتى روعي خديها بلا خوف
وأشوفك دائماً فرحانة
وأقدم عمري علي كفوف
من أجل هناكي يا حبيبتي
وحياتي يا قلب عطوف
هدية ما تغلي ع نوارتي
وفداكي الدنيا ولا أشوف
على خدك دمة محتارة
نواره يا نورا يا مناره

- أَلْهِىَ الْحَلْوَيْنِ يَا مَنْارَه
يا أَلْهِىَ وَأَطْعَمْ مِ السَّكْرَه
- يا عودِ يَا سَمِينِ يَا نَوَارَه
رياحينِ بَعْبِيرَكَ مَعْطَرَه
يا كَحِيلَه الزَّمَشِ يَا نَوَارَه
بَتَغِيرِ مِنْ عَنِيكَى الْمَكْطَلَه
رَبِّى يَصُونُكَ يَا مَنْارَه
على طُولِ وَيْخَلِيكَى مَنْارَه
- اللهُ يَحْمِيكَ يَا نَوَارَه
بَغْصَنِكَ الْأَخْضَرِ زَهَارَه
- نَوَارَه يَا نَوَارَه يَا مَنْارَه

يا بحر صافى أمواجه
عاشط تسلم بهداوة
خد بسفينتى بالهينه
مشتاق وصلنى للمينا
يا بسمه رقيقه فى هوايا
مرجنى الشوق هز غنايا
يا نسمه خدينى بمنايا
خدينى للجنه ألقى هنايا

يا طيور طائره فى سمايا
خدينى بأشواقى يا طياره
اديهـا محبوبى وهوايا
اهديها سلامتى دى أمانه
قوليلها بالعهد أنا وافى
يا نعمة اللحن الصافى
لقانا حيكـون لبنا شافى
من فرقـه مليانه مراره
نواره يا نورا يا مناره

أنا بابل



أنا بلبل طائر في هوايا
علي حسب ما قلبي يوديني
أنا بلبل شادي بمنايا
علي أد ودادي يهينيني
وأنا أمني دا وكل رضايا
ألقا لي وليف طائر ويايا
أنا بلبل طائر في هوايا

يا بحر الهوا انت اللي وحدك بيا داري
وأنا اللي ياما يَحْت لك بأسراري
وقولت ياما أشعار كثير في شطك الهادي
يا بحر الهوا انت اللي أَمْنَتك علي غرامي
أتاري موجك عالي غدار آه وتملي جاني
بيشغل بال الخالي ويبدل حاله في ثواني
تَوَه عاشق حرق مشتاق
لوع عاشق غرق مشتاق
وأنا عاشق كمان مشتاق
وعشان ما تلعب بي الأشواق


أعوم علي مهلي أهدي لوجدي
ولا عمري أتحدى الموج لوحدي
أريح بالي وأهدي أنا قلبي
وبكرا ينادي الشط بصبري
وأنا أملّي داوكل رضايا
ألقالي وليف طائر وبايا
اكني بلبل طائر في هوايا
في رياض الفن روعي تعيش
تشدي بموالي وما تخيش
غصب عني ما بتغنّيش
وعن الجمال ما تستغنّيش
ومن موالّي الورد يعيش
وقالوا سحره زيّه مفيش

بين الغصون بين الأوراق
زي النحل تملّي أطير
ولكل زهرة أنا مشتاق
ولكل وردة قلبي أسير
الورد معشوق وعبيره منال
وكل عاشق يغني ف هواه موال
وخساره الورد لو انقطف موال
وان صان عبيره يبقى شذاه موال
يا سايقة الدلال بتزدي جمال
والتقل صنعه صدق اللي قال
كُتّر الغزل ده بيكي خال
وكل قلب لغرامك مال

بلاش حيرة فكر وخيال
عيش الحقيقة خاصمي المحال
خاصمي الوهم وهدي البال
وانسي الهم واحلمي بوصال
اللي صاين عهدك وبيه مال
لشرع الله كده يكمل الموال
وأعوم علي مهلي وأهدي لوجدي
ولا عمري اتحدي الموج لوحدي
أريح بالي وأهدي أنا قلبي
وبكرأ ينادي الشط بصبري
وأنا أمني ده وكل رضايا
ألقالي وليف طاير ويايا
اكني بلبل طاير في هوايا

بين الجنائين بين البساتين
كمان ف الصحرا هوايا جميل
حتي في ليلي أو في نهاري
الكل علي مواويلي ييميل
أشفي بمواويلي قلب العليل
وازرع فيه حب بكل حنين
وأنا سهران أفاصي الويل
محروم مجروح وتملي حزين
في قلبي هموم تكبر وتزيد
وأبان لعيون إبني سعيد
وأخبي دموعي وناري تقيد
وأصير روعي كما العاشقين

وأغني كلام عذب الألحان
وعلي أنغام من فني كمان
أخلي نجوم ترقص وتلالي
والنسمة تهف من أحلامي
وتسهر قمر الليل أشواق
وتصحى الكون ده كتر أمالي
وأعوم علي مهلي وأهدي الموج
ولا عمري أتحدى الموج لوحدي
وأريح بالي وأهدي أنا قلبي
و بكرأ ينادي الشط بصبري
وأنا أملني ده وكل رضايا
ألقي لي وليف طاير ويايا
أكمني بلبل طاير في هوايا



سافر لو عايز تتساني
فاكر بهجرك تسلاني
وف قلبك زارع وجداني
ونقشت في يدك عنواني
إن كنت حتقدر ع فراقي
حتزيد في أشواقك وأشواقي
ومسيرك ترجعلي تاني
جرب وحتشتاق لحناني
خليك علي كيفك سافر
حتكون طول عمرك فاكر
وفاكرني مهما تسافر

يا روح الروح بتتادي عليك
أيام وليالي بتحلم بيك
أنا كل ما بيا حن اليك
حين عليا وحياة عينيك
فكر قبل ما تهجر مهدك
يلا بسرعة وجدد عهدك
وعلي لو تقسي أحلف لك
أنا لسه بحبك يا حبيبي
خليك علي كيفك سافر
حتكون طول عمرك فاكـر
وفاكرني مهما تسافر

مشتاق لك مشتاق يا عنيا
شوقك ده منها أغلي عليا
وأنا قلبي دايب حنيصة
علي موج أحلامه الوردية
يا قمر بينور لياليا
سهران في عينيك الخمرية
هو الغرام كاسه شوية
يا واحشني لا تزيد تعذبي
خليك علي كيفك سافر
حتكون طول عمرك فاكر
وفاكرني مهما تسافر

لو قلبك ينسي في يوم وجدي
حتشوفني عينيك تذكر عهدي
روحك تطير شوق لودي
ويا الحنان اللي في قلبي
بحلف لك صدق يا حبيبي
إن انت حبي وحبيبي
ولا غيرك قدرني ونصيبي
يا قنيللي شموعي بلهبي
خليك علي كيفك سافر
حتكون طول عمرك فاكر
وفاكرني مهما تسافر




كيف أنسى

حكمت علينا زمان الهوى
بأمر يحرم هذا الهوى
فرحماك قلبي بعهد الهوى
فمن ليس يحيا بقطر الندى
كأن الغرام لعمرى انطوى
وولى سرايا دحانا سرى
وأضحى الغرام رمادا ترى
حكمت علينا وقلبي هوى
وقد فاض صبرى وقلبي انكوى
أشديك حقا فراق الهوى؟
فرققا طيبي بهذا النوى
وهون عليك بحق الهوى

أنا طائر أموي الجمال
لكنني أشدو لما يروق لي
فكيف يبدو شدوى والحزن
خنجرأ بين أضلعي
لا تلمني لا فأنني
صريع الحب ان سألتني
وكيف أنسى ذا الغرام
فأهون أنسى دنيتي

أيا زمان الليل راح
الفجر لاح العشق لاح
أزرعت سهماً بالجراح
بقلب رواه النواح
أقتلت زهرات ملاح
فمات تغريد الصباح
أنا ليس عندي .. زورق
كي أبحر ضد الأمواج
لكن سأعوم ولست أخاف
هدير الموج وعصف رياح
وأجوب بحاراً في ذاتي
كي أصبح يوماً ملاح

أحلال أن تدع الحرمان
يحطم كل رياض الجوى
ويمزق فى قلبى الأفراح
ويحرق كل عهود الهوى
فما أصعب أن تلقى روحا
فى الأسر من الظلم بريئة
أهون للنفس الموت جوى
من أن تحيا العمر ذليلة
لا تخش يا حبيبى زمنا
انى بهواك أتحداه
فلتزرع فى قلبى الحب
لا تصرف عنى شذاه
هيا اشعل قلبى بهواك
فالقلب هواك ولن ينساك



مسافر بعيد

أنا مسافر بعيد بعيد
يمكن ابدأ من جديد
وأهني قلبي وأكون سعيد
وانسى الآه ونسا التيهيد
حامشي المشوار أنا وحدي
ولو خذتني الخطوة بعيد
راح أداري جراحي بوجدني
واستني طلة فجر جديد
واللي ييلوموني واللي يحسدوني
واللي ييظلموني آه منهم الله
أنا مسافر بعيد

أنا مسافر وليلي طويل
أنا مسافر وقلبي علي
أنا مسافر وهائسي الوليل
أنا مسافر وحلمي جميل
نفسى أعيش بالسود يا قلبي
نفسى مالاقي الله يعذبني
نفسى أزرع ورد الحب
في كل مكان وف كل قلب
يطرح صفاء ويرق القلب
يملئ الدنيا بعطر الحب

نفسى أخلى الحلم حقيقة
وأنسى الحزن مع الأوهام
وأخلى الحب في كل دقيقة
يفتح الأزهار بغرام
واللي بيؤموني واللي بيحسدوني
واللي بيظلموني آه منهم لله
أنا مسافر بعيد

أنا مسافر نوري يا نجوم
ويا القمر زيلوا الغيوم
أنا مسافر وأنا مظلوم
وأنا صابر علي المقسوم
نفسي الهنا مرة يقربلي
نفسي الجرح ده ما يقربلي
نفسي أفرح من عمري يوم
وأنسي آلامي كده بالمرة
وأخلي الناس تنسي النوم
من آمالي اللي ف بكره

- نفسي البسمة تعيش علي طول
- ع شفا ميسف حيايبي تدوم
- والضحكة تتور كسده و ننول
كل سعادة و ننسسي اللوم
واللي بيلوموني واللي بيحسدوني
واللي بيظلموني آه منهم الله
أنا مسافر بعيد



هو . ويتسأليني وتحيريني
وأنا قلبي دايب
ويتسأليني بتحفيني
يا أغلي الحبايب
انتي حاسه باللي بيا
ففي كل كلمة من كلامي
انتي شاففة ف عنيا
شوقي وحناني وسلامي
ولسه بتشكي في غرامي
وانتي أدري بقلبي مني
صدقيني ويتسأليني
هي . أشوف فعاليك أصدقك
وتصيرنني كده حنينك
أنا خافعة بعد محبتك
تفتكرنني أنا لعينك


هو : شفتك مرة لأول مرة
لقيت روعي بتغني معاك
وتاني مرة وكمان مرة
غصب عني قلبي هواكي
هي : مرة تقول معجب بعينا
ومرة تقول مغرم بيا
ومرة عاشق بعد شوية
تتغير ولا تسأل فيا
حرام تلوع كده فيا
صارحني وارحملي عنيه
جاوبني دايبه حنيه
هو : انتي حاسنة باللي بيا
ففي كل كلمة من كلامي

انتبي شايقة ف عنيا
شوقي وحناني وسلامي
ولسه يتشكي في غرامي
وانتي أدري بقلبي مني
صدقيني وبتسأليني
هي : قصدك يعني تحيرني
والليالي تسهرني
شغلت بالي ريحني
ع سؤالي جاوب ظمني
أه يا أسمر لو ترحمني
مرة تقول معجب بعنيا
ومرة تقول مغرم بيا
ومرة عاشق بعد شوية
تتغير ولا تسأل فيا

حرام تلـوع كده فيا
صارحني وارحملي عنيا
جاوبني دايية حنية
هو : أيوه أنا معجب مغرم بيكي
ومن غرامي أخاف عليكي
وقلبي العاشق يناديكـي
خلاني أغار منه عليكي
هي : خايـفة يوم تقسى عليا
وعنيا تصحيني علي غدرك
لو انت ناوي تلعب بيا
حد الله بيني أنا وبينك
ويحـرم حبك ده عليا
حـاخاصم الحب انت وغيرك
هو : حـرام عليكي يا حياتي

مش كفاية غرامي ليكي
بُضي في عينيا مناجاتي
يا ساحرة عنيا بعنيكي
ازاي أعيش أنا من غيرك
وروحى تسبيني لو أسيبك
هي : ان كنت ناوي نفرحني
تنسيني جرحي وتسعدني
أوهيلك روحى كمان قلبي
وأوفيلك وأهديلك عمري
هو : قلبي المشغول بوجدك
يا شاغله فكري بغرامك
وحياة عنيا وحياتك
أحلامي هي أحلامك
روحى هايممة بجمالك

وقلبي المفتون بوصالك
مشتاق ودائب
أهدي سلامي
لعيون الحبايب
وكل حنانني
لحلم عمري
زهرة زمانني
انتني حاسة باللي بيا
في كل كلمة من كلامي
انتني شايعة ف عنيا
شوقي وحنانني وسلامي
ولسه بتشكي في غرامني
وانتني أدري بقلبي مني
صدقيني ويتسأليني



لحن البداية

الـلو ماله حيران ليه
ايه جـراله زعلان من ايه
ايه حكايتـه اللـو ايه
مشتاق وحزين في ضحكته
وكلامه أسير في نظـرته
تشكي خـدوده من دمعته
ولاحـد سامع بشكـوته
رايح ايه اللي مـخير
راجع آماله تصبره
ولما يقرب يقابلنا
بتغير حاله وف ثانية
يفوتنا ولا يكلمنا
ويداري دمعته منا

يا قلب دمك في العيون
وقاض علي روض الخدود
من أجل مين نهر الشجون
يا حلو قول لمين حيون
إيه حكايتهك يا حلو إيه
يا مسافر لغير منروح
طول السفر في طريقنا
طايبر مسابق الروح
مسافر ليننا تسابقنا
وتهدي مكان منروح
ولا تخلف يوم مواعيدنا
صافي العيون منورة
ورد الشفاه متشوقـة
تهدي القبل ومعطرة
عطف الندي متعطشة

وسحرنا كثير ضياه
والكل داب من بسمته
ولاحد نال رضاه
والكل تاه من همسته
بالشجن اللي ف نظرته
والحيرة اللي ف ضحكته
حير قلوب تهواه
وعيون إليه تشتاق
وأحلام عشاق وياه
خلوني أميل لهواه
وأسهر ويا العشاق
وأحلم اني معاه
أسمع حكاوي صحابي عليه
وأصحي علي ندام ليا
شافين تملي عليا عينيه
حيرانة من شوقهم ليا

وكتير ياما عليه سألوني
كل ما أداري تفضحني عيوني
يهرب جوابي يقيدوا ظنوني
فاكريني تفلان ولا موني
وأنا سارح بجواب في عينيه
وسؤالي ياما حيرني أنا ليه
أدي حباييه كتير حواليه
واختارني أنا من بينهم ليه
إيه حكايتيه الحلو ايه
وأنا ماشي صدفة لوحدي
وأنا ماشي ما كان علي بالي
تايه وف قلببي أمني
وشاغلني كلام ف أغاني

جوابات مليانة حكاوي

مشتاق يتمني وصالي

علي نارمستني أماله

نشوان لكلمة أبعثها له

ويطير ويجيني بحاله

وأنا ماشي صدفة لوحدي

وأنا ماشي ما كان علي بالي

سمعت صدفة دق خطاوي

وضل يسابق في خيالي

بينادي بيـا الأمانـي

ويلاغي فيـا الأغاني

الوجد له صـحاني

وف بحر الشوق رمانـي

وقفت وقبل ما ألتفت

لاقيته الحـالـو جنبـي

وايـده في حـضن يـدي
وما صدق انه لحقني
وشوقه رماه بحضني
وأفاسه بتحرق صدري
افتكرني وقفـت له
مشتاق لـه أكلمه
والدنيا دي في عينيه
مش سايعة فرحته
وعرفنا الحلو حكايته إيه
نشوان ملك إيديا
تشكي شفايفه الحنية
عطشانة لشفايفي شوية
وعينيه وهيـه في عينه
تقول انت اللي ليا
وعشانك كنت أسهر

وانت مش داري بيا
وانت الأمانى يا أسمر
حسيت انى في دنيا
عطشان فيها الهنا
وانى عرفته يا دنيا
يقالى كام سنه
وطاب الهوا بقرينا
والنسمه طايرو بأمانينا
والرقة خدوها من همسنا
للعاشق نقلوا آغانينا
والطير والورد يهنينا
صفاء الحب فى عنينا
معايا وهو معايا
وف حضنى يقول لى بحلم

أحلم بك وانت معيا
من فرحتى ببك يا أسمر
واللى م الحب دايب
مشتاق لهداوه البال
مسيره يلقى حباب
فاتحه باب الوصال
وياما قالوا عالحكاية
بداية ليها ونهاية
دى يا حبايى الحكاية
نهاية منها بداية
وبداية مالها نهاية



فاجر فاجر فاجر
يا صهيوني فاجر
غادر غادر غادر
يا صهيوني غادر
لو كنت بس فاجر
بان رصاصك قادر
ينسينا حق الدار
ونخضع للأشرار
أفعالك ليك يا ماهر
ماحتقد على الثوار
دى قلوبهم قايذة نار
تحرق كل الفجار
كل حجر بايدينا أهو صاح
ارمينى فى صدر عدوى ارتاح

يا فداي انت احسن ملاح
وانا سلاحك باسم الفتاح
وبالنضال هنالقي فلاح
ونبدل الليل ده بصباح
بدم طفل شهيد اهو لاح
علم العروبة ضد الرياح
يا حرة برغم الفجار
احنا بالحق ده مش خايفين
على كلمة حق احنا باقيين
مهما حصل في دير ياسين
وباقى اراضى كل فلسطين
لعلامة النصر احنا رافعين
وسلاحنا حجارة للغاصبين

كفاح متواصل يا فلسطين

لعروبك احنا مش ساكتين

وحياة الحق اللي جمعنا

خمس مرات بكل اذان

بالروح نفدى حق إنسان

حصد الظلم نُزْرَعْلَه أمان

كل حجر بايدينا أهو صاح

ارمينى فى صدر عدوى ارتاح

يا فدائى انت أحسن ملاح

وأنا سلاحك باسم الفتاح

وبالنضال هنلاقى فلاح


ونبدل الليل ده بصباح

بدم طفل شهيد أهو لاح

علم العروبة ضد الرياح

عربية برغم الفجار
وهبت أنا روجي فدا المحنة
ودم أولادى ليكى حنة
او على تتسبنى وقت الزفة
دا أنا عريسك من اللفة
ابقى افتكرينى يوم الفرحة
تبقى تقابلينى لابسة الطرحة
بغصن زيتون وكام وردة
أهدى اللى فدوكى أقرئ الفاتحة
على المظلوم واسمه الدرة
على كل شهيد مسك الدقة
كل حجر بايدينا أهو صاح
ارمينى فى صدر عدوى ارتاح

يا فدائي انت احسن ملاح
وانا سلاحك باسم الفتاح
وبالنضال هنالقي فلاح
ونبدل الليل ده بصباح
بدم طفل شهيد اهو لاح
علم العروبة ضد الرياح
يا ابيّة برغم الفجار



أطى عروسة


هواكي في قلوبنا يا سينا
مهما الزمان يقسي علينا
واحنا علي رملك تلاقينا
بدمنا نقشين أسامينا
خديننا في حضنك دفيننا
وارويننا حنائك يشفيننا
خليها يا ربي لأمها
ترضع من النيل في حضنها
والحير هيملي أرضها
أرض القمر بنت بلادي
يا أحلي عروسة في عنينا
يا قمرنا نوري ليالينا
يا بلادنا يا حلوة يا سينا

علي المر صبرنا ولقينا
أوهام يا زمان تلعب بينا
وبسم الله عبرنا وجينا
رجعنا بالله أمانينا
ورجعتي لينا يا حبيبة
فرحتي قلوبنا الحزينة
وتعاهدنا ياسينا
ننسى عذاب ماضينا
ونصون العهد في عتينا
وأبدا ما نسيب بعضينا
أيامنا اخلوت من تاني
والدنيا ضحككت بأغاني

أنا حبي ليكن خلاني
أهتف باسمك وأنادي
يا نجمة في ليلي بتلالي
يا وردة بيضا في بستاني
يا أحلي نغمة علي لساني
غناها الطير وبألحاني
يا أحلي عروسة في عنينا
يا قمرنا نوري ليالينا
يا بلادنا يا حلوة يا سينا
مرّ الأيام نسينا قوام
خلي الآلام تهجر وتنام
خلي الأفراح بينا ما تنام
حلم وخذ ذكره سلام

وعقبتنا سهرانة تراعيكي
نحميكي م اللي يعاديكي
نصون بأرواحنا ونهديكي
أولادنا ودمنا فدا ليكي
أجدادنا أصلاً من سينا
وتاريخ الماضي حكوه لنا
وقضينا العمر هنا في سينا
والعهد الحاضر بدا بينا
عمرنا الأرض بنينا فيها
وزرعنا العلم بواديها
وملينا بالخضرة صحاريها
والبسمة رجعت من تاني
وحقيقي الأمان يا اخواني
مستقبله حلو الأمانى

افرحوا يا أهلي وخلاتي
للرقص اهتز أنا وجداني
أرض الفيروز يا اخواني
جنة وتملي سحراني
يا أحلي عروسة في عيني
يا قمرنا نوري ليالينا
يا بلادنا يا حلوة يا سينا



مصريان

مصر يا رب تعيش لنا
منارة عظيمة بتهدينا
بسلام ع البر ترسينا
ومقيش أمان غير في المينا
نطلع جبال ونعدي بحور
نعير جسور زي النور
نجيب النصر هدية لمصر
وتعيش لنا مصر يا رب

- - - - -

مصر تاريخنا ونضالنا
مصر حياتنا و أملنا
يشهد رمسيس علي أمجادنا
وأبو الهول ويا أهرامنا

يوصف لك عظمة حضارتنا

- من الأزل حتى ايامنا
- نطلع جبال ونعدّي بحور
- نعبر جسور زي النصور
- نجيب النصر هدية لمصر
- وتعيش لنا مصر يا رب

-.-.-.-.-

دا اللي شاف مصر اليوم

- يتمني العمر يعيش ليها
- يتهنّي فيها وينسي النوم
- ما بين حاضرها وماضيها
- قلوبنا دائما حوالكي
- تتادينا ونلبي نداكي

بأرواحنا ودمنا نفديكي

يا أم النيل يا أمنا

نطلع جبال ونعدي بحور

نعبر جسور زي النصور

نجيب النصر هدية لمصر

وتعيش لنا مصر يا رب

-.-.-.-.-

لولا انني أنا مصري

لتمنيت اني أكون مصري

وأعيش من عمري يوم فيها

أعيشه وأموت علي أراضها


أنا شارب من نيلها ومروي

لولا هواها ما دق قلبي

لو نبعد عنها تقربنا

دي عايشه جوه في دمننا

-٨٥-



رسالة من قلب الوطن

" أبنائي العرب في كل مكان ، أحبائي من نبت

في هذا البستان :

أملّي السلام يطير يرفرف فارد جناحه لحضن
الزمان والمحبة في القلوب تهفّف بصفوة الروح
يعم الأمان بشوق الورد للندي أهدي الشذي لمن
اهتدي لمن يفتدي هذا البستان تحيتي متوجة
بالسلام .

إليكم أيها الأبناء

أنا الوطن العربي

باسمّي أناديكم

ويأما كوي قلبي

الكترة ف أساميكم

بسم الشهدا علي أرضي
بالدم الذي روي رملي
الظلم مهما يطول فاني
وهلال خيخي في يوم قمري
ينور لي في عيون الليل
ونجوم مشتاقلة لأنواري
واللي بيكم يا ولادي
خلاني أبكي وأنادي
أنا بعثش يا ولادي
واكن بنصح يا أحبابي
الساقى اللي بيسقي الناس
ايده تسقيه يوم " م " الكاس
ويدوق اللي سقاه للناس

اللي مصاحبه الكاس مغلوب
عمر الحق ما بات مغلوب
وحفي راجع من ثاني
مــــدام في كياني ايماني
أنا المظلوم وبرضه بديت
وأنا المجني عليه وبديت
السهم صابني ومهما داريت
جراحي ساكنة كل بيت
برغم النار بيها انكوبت
وبرغم ألمي أنا مديت
للسلم يدي وابتديت
أنا .. أنا الوطن العربي
علمي مرفوع علي أرضي يسود
اسمي العربي و مكاني موجود

وفي الواقع وعالخرطة
أنا .. أنا الوطن العربي
حسرة طير .. عشه وفرخه .. في عز الليل
والريح جاره .. رماه خانه
وجار عليه
طوح عشه .. موت فرخه .. سقاء الويل
جريح حاله .. سافر أمنه
وحسرة عليه

طاير ماله عيون يدور
والليل يبكي وخوفه عليه
من وادي لوادي منحير
مجروح بيشكي حاله اليه
وخيوط الفجر عليه طلة
وتاه هو وتاه وطنه

وَيَا خَوْفِي يَنْطَفِئِ قَمَرُهُ
وَفَيْنَ عِشَّةٍ .. وَفَيْنَ فَرْخِهِ
وَكُلَّ الْعَالَمِ يُوَاسِينِي
بِيسْعِي وَيَحْصِدُ فِي كِيَانِي
وَأَنَا أَبْنَائِي عَلَي دِينِي
بِيَكُونُوا فَيَا أَحْضَانِي
رَحْمَتِكَ يَا رَسُولَ اللَّهِ
يَا مَا فِي الْأُمَّةِ أَشَدَّتْ
الْفِتْنَةُ مِنَ الْقَتْلِ أَشَدَّ
الْفِتْنَةُ تَخْلِي جِبَالَ تَنْهَدُ
وَعَلَى لِسَانِكَ قَوْلُ اللَّهِ :-
" وَاعْتَصِمُوا بِحَبْلِ اللَّهِ جَمِيعًا وَلَا تَفَرَّقُوا "
وَالْإِيمَانُ فِي الْقَلْبِ جَوْهَرٌ
هَيِّنٌ وَيَقُولُ الْحَقُّ

والاتحاد دائماً قوة
وهيقلع لي جذور الشر
برئ أنا وإيه ذنبي
ووهبت عمري لأولادي
وأنا اللي بدافع عن أرضي
وده شئ أصلاً من حقي
عايزيني أتنازل عن أرضي
منهموم بخيانتك يا وطني
بيئن من البتر فروعي
وأنا الشجرة لأولادي
ما يهونشي أشوفهم أعدائي
يغتصبوا منهم إيماني
والروح بتناضل جواهرهم
من حنيتهم لسلامتي

وقلب الأم مسامحهم
تمرت فيهم نرياتي
سامحهم واغفر لي يا ربي
الأمم قادر تهديها
وأنا من بعدك برعايتي
أرعي أبنائي وأحميها
أنا .. أنا الوطن العربي
علمي مرفوع علي أرضي يسود
اسمي العربي و مكاني موجود
وفي الواقع و عالخارطة
أنا .. أنا الوطن العربي

بصرخة طفل على أمه
بلهفة أب على ولده
بخوف الكل عالأسرة
بحسرة قلب علي شعبه
الكل ضاع .. اقترق
مين راح ضحية للألم
واللي تاه .. احترق
حسرة وحرمان فوق الألم
في الكويت في سوريا
واليمن والسودان
في ليبيا والأردن
وتونس وفي عمان
والسعودية و المغرب
ودول الخليج العربية

في الجزائر والصومال
وفلسطين وفـي لبنان
والعراق ومصر كـمان
أوطان نسيوا العنوان
يا عرب كلـكموا اخوان
وليه تايهين وسط الزحام
يا مسلمين في كل مكان
ليه ناسيين عهد الإسلام
زمان والليل ساكن حضني
طلع القمر نور الكون
والفجر نـادي من بدري
طلع النهار يهـدي الكون
هدي الحمام علي أرضي
نشر السلام رفع علمي

زراع الأمان جواه في قلبي
ورده الأبيض فرش رملي
من هنا ابتـدي ميلادي
وكان بدايـة أعيادي
أنا عارف ايه اللي جـرالي
الكل طامع في مكاني
مرض صابني هـد كياني
وهـد سلامي وهـد أمانـي
وياربـي من الداء اشفيني
لكم حلمكم ولي كياني
نداء فينا .. احنا الأمة
فين جامعتنا .. فين الوحدة
ضلينا طريقنا .. ومش عارفين
حبايينا مين .. وأعدائنا مين

اخواتنا تاهوا .. واليـد راحت
كان لينا أسرة .. خسارة ضاعت
انسوا العدا .. لبسوا النداء
والذكريات .. الذكريات
كل رملة تشيلي ذكرى
باللي جري دايمـا علي أرضي
والجاني ابدا ما عنده فكرة
معشوقة الدنيا أحضانـي
ومدام عقلي أنا صاحي
وبقية جسدي عليل
مسير الأظية حـداوي
والشفا بالله جميل
وأنسا مسامح معاديني
حساب المولي يكفيني

وبكره نتجمع ثاني
وأولادي تحضن لي ترابي
ويعود الخير في أرجائي
وعمري ما حنسي أجبائي
وفضل أجبائي ع كيائي
حشيله تملّي بأحضائي
أنا .. أنا الوطن العربي
علمي مرفوع علي أرضي يسود
اسمي العربي و مكاني موجود
وفي الواقع و عالخارطة
أنا .. أنا الوطن العربي

صدر للشاعر :

- أنا والحب دار الشوريحي للطباعة الطبعة الأولى ١٩٨٩
- أنا والحب مطبعة الفارس العربي الطبعة الثانية ٢٠٠١
- أنت المنى مطبعة الفارس العربي الطبعة الأولى ٢٠٠١
- بستان العشق مطبعة الفارس العربي الطبعة الأولى ٢٠٠١

• • • • •

تحت الطبع :

• عيون العاشق

• لهيب الشوق

• همسة حب



الغلاف والرسوم الداخلية :

أ / أحمد العيسوي أ / عصام ذكري

أ / نهلة صابر أ / منار صابر

• • • • •

الاخراج الفنى : عصام صابر

مصر - شمال سيناء - العريش

كرم أبو نجيلة ٢٩ ش الشهيد حافظ نجيلة

أمام مديرية الشئون الاجتماعية

ت : ٣٦٣٠٩٢

فهرس

رقم الصفحة	الموضوع	م	١
٥	إهداء	١	٥
٧	بدائية	٢	
٩	تصدير	٣	
١١	المقدمة	٤	
١٦	دى الحياة	٥	
٢٠	يا حبيبة قلبي	٦	
٢٤	أحلى الحلوين	٧	
٣٠	أنسا بلبل	٨	٤
٣٨	سافر	٩	-
٤٣	كيف أنسى	١٠	٥

فهرس

م	الموضوع	رقم الصفحة
١١	مسافر بعيد	٤٨
١٢	بتسألني	٥٤
١٣	لحن البدايه	٦١
١٤	أنا سلاحك	٧٠
١٥	احلى عروسة	٧٦
١٦	مصر يا رب	٨٢
١٧	رسالة من قلب الوطن	٨٦
١٨	فهرس	١٠١

بستان العشق

٢٠٠٠/٨١٤٤	رقم الإيداع
I.S.B.N	الترقيم الدولي

حقوق الطبع محفوظة

